

# TAMITYA CATERA CORINTYU JANVAJYU

## Samuchveda Pávurubaryi Coríntyumu vichavay

**1** <sup>1</sup>Ray Pávuru, Jesucrístu nusuchi Jüdenu vatadamusiy, vutyeryi Timutévuta nañipara catera jiryimu Jüdenu siityarivajyuu Coríntyumu vichavay, jirimuntiy títaju jiryatiy Acáya vichadiva vichavay títaju jirye. <sup>2</sup>Sama vichaniy Vujye Jüdenu samirya jirye, jiryatidye vichasara samiy variy, sama vichaniy Vuyntyityu Jesucrístu samiy sisaju jirye.

## Sichanatyada Pávurubañi Jüdenu sumutyadiva

<sup>3</sup>Sacha jchanatyasi Jüdenu nitiy vicha Vuyntyityu Jesucrístu jay. Nini vichasara jantyutyada jami, nitiy datyasarara vanutyadeda títaju vuy. <sup>4</sup>Savanutyasara títaju vupyarutyadamu vuy, vuryatidye datya variy vanutyadantiryi nijyanvay ripyarutyadamuntidye, daryatiy savanutyasara Jüdenu vupyarutyadamu vuy. <sup>5</sup>Daryatiy rasachu parutyada Crístu jiyada vujyu, daryantiy rajasachu vanutyada Crístumusiy vuyjuntiy. <sup>6</sup>Variñumatiy nupyarutyayu, jiryevanutyadaju day, jiryentyutyadajuntiy. Nuñumatiy jmutyara vanutyada, jiryevanutyadajuntidyerya, jiryatiy jiryimutyara jiryeñumatiy jachinitya tapimusirya parucharíy, daryatiy

nupyarutyantidyeyu. <sup>7</sup>Ne nupyaruryuy nuyntuyadamu jiryetyuvachodanchiy jiryatiy nudetya jiryedyetyara parucharíy vichasara nudiyaju, daryantiy jiryadatyara vanutyada nudiyasantiy.

<sup>8</sup>Ravyata ne jiryamacho datyisamiy parucharimysiy, jiryatiy radyetyati Ásiyamura. Ravuunuruy ravyanuyada jiyada ray, jasicharajuti rajechipiyati: Radiiy rucosiy. <sup>9</sup>Radyetyati jita: Ranuma diiy. Raniday jita datyarurye: Ne yajachipiya jinjiyu, yentyutyasadaju. Yajachipiya Jüdenunijyu nitiy datyara misasubeda diibyimusiy. <sup>10-11</sup>Nini jantyuyada diiyadajisiy riva, saday jantyuy rivantiy. Radyetya sasiityari jantyutyadantirye, jiryeñumatiy jmutya jiryatiy jiryetyuchoda sisa Jüdenu rayadaju, riryatidye jchanatyajuu nijyanvay ranchiñi, jiryatiy sumutyajüdenu rajuu jachiñuyadamusivyuy.

## Nutyuramusimyu ne sayada Pávurubay Coríntyumu, nutyuramusiy

<sup>12</sup>Richanay jita jiryatiy radyetyasara rajechimyu, nutyu sitenu jachipiyajadamu ravychanichara jiryequebyimu Jüdenu diya. Ne ravychasara ridiyi nijyanvay datyadamu, Jüdenu jmutyadamusiy jita ravychasara jaryivyaju jiryimuntiy. <sup>13-14</sup>Rañuy jita racyaterava jiryimu vinu niquejada jiryatiy jiryedyetya nyadaramu niquesada, jiryedyetyamantirya

rañiquejadantiy. Ravyata jiryeyju, daryatiy jiryedyetya rate raynchiy diye, jiryadatya miryanu datyadatarata, jiryatiy jiryajchanay raynchiy, daryatiy rajchanay jiryenchintyidye, Jesucrístu jtjajada rundamu.

<sup>15</sup>Jiryatiy rajechipiyajada darya jiryenchiy, rañi jiyaruyada jiryimuju raniyyuntiy, ratidye jmutyajaya rata jirye. <sup>16</sup>Rajechipiyajada jañuryijada jiryimu, ranumatiy jiya Masedóniyamu, ratyeryadamusintiy, jiryatidye jmutyaya varintyirya rayada Judéyamujuntiy.

<sup>17</sup>Jiryechipiyay dyetya vary raynchiy: Ne sadatyara jijechipiyajada. ¿Rajechipiyaviy daryá daryatiy rijechipiyasara nijyanvay jiryatimyu ne rityuvachusara simu Judenu? ¿Ritaviy: Jo, rajiya; jadchintiy: Ne, ne rajiya? ¡Ne ritachara daryaday, mitya!

<sup>18</sup>Daryani sutachara Judenu sitenu, daryatiy ritay: Rajiya, varityi rajiya. <sup>19</sup>Tapi Judenu denunchiy, jiryatiy Jesucrístu jtyatini, nutyuchoda munvamyusiy Sinubánuta, Timutévuta jarye jiryiva. Nutyuchoda sitenu niquejadata sanchiy, daryatiy satuchodara sitenu niquejada jiyemyusintiy. <sup>20</sup>Sitotadeda Jesucrístu daryajura titaju Judenu niquejada vuryeyadaju. Ramunitiy vuryitachara Jesucrístumusiy Judenumuju: Jo, daryanuma rachasara. Riichanachara nijyanvay sanijyu varyi. <sup>21</sup>Judenu jita surutyaniy Jesucrístumu vuy. Sasurutyaniy jiryisa nuy, jiryatiy sajaryetada jiyu vuy.

<sup>22</sup>Sadityanuntivyuy vuryecha sadadyeñu, jiryatiy sabañi Yintu vujechivya.

<sup>23</sup>Sama jiyasay Judenu riva ray netimyu ne ritay vase. Ne riti Coríntyumu didye jiryatiy rantyutyaruyada niqueyadajisiy jirye.

<sup>24</sup>Ne nuchaboniryuy jitarata jiryetyuvachoda; vinu nuñimutyarurya

jiryichanayada jiryatiy jiryemecho surravay jityuvachodamusiy.

**2** <sup>1</sup>Rajechipiyajasiy jita: Ne rajefuryuy jaryi vayinni jiryimu nday. <sup>2</sup>Raty jachipiyataniy jaryi jirye, ¿chi rajchanatyaniy varirye, chi? Nini jita jiryatiy rayivatyaniñi. <sup>3</sup>Ramunitiy ripajadara catera jiryimu, ranumatiy jto jiryimu, ne rajto jaryi jachipiyanu jiryimu, jiryatiy richanaryuy jiryisaju, tapi radyetya ranumatiy jchanay ray, jiryajchanay varintyidye. <sup>4</sup>Rañiyadara catera jiryeyju jaryi rajechipiyajadamu, jaryi rinayadamu jarye, jiryatiy ne rajechipiyataniryuy rata jirye, ravyata jita jiryadatya: ¡Ta jaryi savata Pávuru vuy!

#### Saramiyadeda Pávurubay mityara juuchati juuchueda

<sup>5</sup>Jiryatiy sajachipiyataniy juuchati ray, sajachipiyatanintyiryi jiryetyevantidyedye. Ritay vinu jiryetyevavya, rañuma jiyasay jaryi sanijyu. <sup>6</sup>Rasaranuma jiryevyichadeda sanijyu. <sup>7</sup>Diye jiryama ramityanirya sajuuchueda, jiryama jmutyaya varintyini, sañuma paruryuy riva jnyada jiñuvayadamuju. <sup>8</sup>Ramuni rajechiñuy jiryiva: Jiryadityanuntirya jivyatada sanijyuntiy. <sup>9</sup>Ramuni jita rañuyada caterava jiryeyjura, ratidye datya jiryenchiy: ¿Rityuvachuruvyidyedye rimu? <sup>10-11</sup>Jiryetyi ramityanirya sajuuchueda ti, daryantirye. Raty ramityaniryurya sajuuchueda ti, raryamityaniy jiryeyadajura. Raryamityaniy Crístu tuunura sañuma vuunu Satanásiy ramusivyuy, tapi ne vuyyicha datyisamiy sanchiy, nutyuramusiy saquivuchuruvyuy, nutyuramusiy.

#### Jaryi sajachipiyajada Pávurubay Trúvasimyu

<sup>12-13</sup>Ritojadanumatiy Trúvasimyu ratidye datyanu jasirya samituchoda

Crístunchiy, Vuyntyityumusiý jíta rityuvachuruyada nijyanvarya nutyuchoda, rajechipiyajada jaryi rintumu, jiryatimyu ne radyi jasiy siva ratyeryi Títu. Ratyuchucheda varyi ruuva Trúvasiy janvay, rayada varyi jadchiy Masedóniyamuju.

#### Crístumusiý vuunuvavyuy

<sup>14</sup>Vuryajchanatyateni Jüdenü jiryatiy savuunutanichara Crístumusiývuy, sadityanusarantirya datyadoda Crístunchiy vuryimusintyi, títaju vichajomuju, nutyu vurudi, nijyanvay naryiyadaju. <sup>15</sup>Vuvyichasara nutyu Crístu, vurudi Jüdenunijyu. Vupyotiye nijyanvay diya jiryatiy jantyutyasavadyeryi, parutasavay jarye.

<sup>16</sup>Parutasavajyu vupyotiye nutyu diivye, ridyiyadaju; jantyutyasavajyu vupyotiye nutyu jnuyve runuyadajuntidye. ¿Chí sarara darya jvaayada, chí sara? <sup>17</sup>Ne nuyvichasara nutyu rajuu, rityi taryutyarurya Jüdenü niquejada nutyu ricyatu. Nudyetyanusarara Jüdenü niquejada vanda jachipiyajadata. Nuñiniy Jüdenumusiý, nuñatidye nique sadiya Crístumu.

#### Vadi tuchoda Jüdenumusiý

**3** <sup>1</sup>¿Rajyotatya niquejadara samiy niquejada nudyeyadaju? Nuvyatatyatera catera jiryimu varimyata jiryimusiy jasityi tı tıchu samiy niquejada nuynchiy nutyu tavatyı vatarı catera. <sup>2</sup>Jirye jıta vıchasa nıcyatera nta day, jıryatıy nıchara nta nıjchıvya darya. Rıdyetya tıtaju nijyanvarya, rıñıquesara tıtaju ramuntiy. <sup>3</sup>Jvadyasara daryajura nutyu jıryevyichasara catera jıryatıy supı Crıstu nudyısara. Ne sanuy Jüdenü cateranuyata cateravara, dantyamuy ne ravıchıva nıchara, nutyu sanuyada

Muyısısıbejyura jıñıquejada. Sanuy jıta Yıntu jnuñuta nijyanvay jachıvıyara.

<sup>4</sup>Nudyetya darya ravıchasa, jıryatıy sıvaayada Jüdenü Crıstumusiya. <sup>5</sup>Ne nıchara jachıpiyajadara darya jachıpiyajada vudyıryamusiy; nıchara vınu Jüdenumusiya. <sup>6</sup>Nıñı bayada tıchuvajyu nuy, sumutyasara vadi tıchoda tıchodaju nuy, rıryatıdye datya nijyanvay jıryatıy nutyuvachoda sımu Jüdenü Sıntumusiý, ne jıryatıy vudyetyara sanıquejada nıchara jıryatıy ramunutanıryuy vıjuuuchaveda murıchırya vuy. Sıntu jıta jnıtyanıvıyuy.

<sup>7</sup>Rajotadanumatıy Jüdenü nıquejada jıryatıy sanuyada ravıchıvıyara, rıtıjadı dııyada ramusiy, sumıtyajada Muyısısıbe vandamusırya, jasıchırajıtyı ridıyıyada İrayėnıvedı samıva jaryı vanda, ne vanay runıyada samıva varyı, jaryı vanda ravıchıada daryaju, dañuma raryıjetyıtyıyada rada varyı. <sup>8</sup>ıDiye, jıryatıy sanıquera vadi tıchoda Yıntumusiý, raçha vandavajyu varyı ramusiy! <sup>9</sup>Jıryatıy sasayada vandamusırya jıñıquejada dııtya, jaryıvyajyu vandamusiy sasarya jıñıquejada ratatıy vuryıto samıy vıchıadamıjyu sadiya. <sup>10</sup>Vuryınyı varyı, ne jaryı vanda nıday jıryatıy sasayada munatya jaryırya vanda, tapı raçay jnyı rusıjıy jaryı vandavajuntıy. <sup>11</sup>Vandavıdye sanıquejada, jıryatıy raryıjetyıtyıyada radá varyı, vandavajyu jıtara sanıquejada day, jıryatıy rasurıjeyasara tıtaju rundamu.

<sup>12</sup>Jıryatıy nıtyuvıchu ramu darya vanda nıquejada, ramunı nıtyıchu nıchıvıyasadıamura. <sup>13</sup>Tamı nıtyıvıchı nıtyu Muyısısıbe, tamı, nıtyı bayadara sıjay jımyıva rıñıma dıy nijyanvay rıva vanda, jıryatıy raryıjetyıtyıyada samıvasıy. <sup>14</sup>Rıvyıchasa İrayėnıvedı nıtyu nısyı puryımyı dıye sarıju

rityuchunumatirya t̄ariy saniqejada. Rimecho jachiy puryesavay, jiryatiy vinu Crístu sovaryurya puryesara rijechivyasiy. <sup>15</sup>Jo, diye saraju, rityuvachunumatiy riñuyadara Judenu niqejada, jiryatiy Muysésibemyusirya saniqejada, ramacho nutyu puryesara rijechimyu variy rivasiy. <sup>16</sup>Sanumatiy janumitya nijyami Vuyntyityu nachojuyu, sasovarya puryesara sajachivyasiy variy. <sup>17</sup>Jiryatiy vuryitañi Vuyntyityu, niniday Judenu Jnutu. Jasityi savicha Judenu Jnutu, jasiy jita savichasara nijyami ratyanusi (jiryatimyu ne sasuvurya diiyada jiyuuchuvada murichirya nuday). <sup>18</sup>Vuy jita vichasara t̄itaju ne mutanusa vumyoduday, nutyu nuvatudá vuryimutyara Vuyntyityuuday, vutyituchara variy Suntumusiy, vandamusiy, jaryi vandamuu, daryaniday savichasara Vuyntyityu Jnutu.

**Satuchujayanuyada Pávrubarya s̄itenu niqejada**

**4** <sup>1</sup>Ramunitiy, jiryatiy nuvyichasara darya jvaayadatavay Judenu jantyutyadamusiy, ne nupyaruryuy riva, mitya. <sup>2</sup>Nuñi rrachumara quivuyada dutyasara. Ne nutyuchujayara quivuyada, dantamuy ne nuryuyunururya Judenu niqejada. Jiryatiy nutyuchusara vijyomujachera s̄itenu niqejada, nuvyichasara samiy vadichavay t̄itaju nijyanvajuy, Judenu diya jaryentiy. <sup>3</sup>Dutyasaratiy samituchoda jiryatiy nutyuchura, dutyasara dyetya rijyu darya jiryatiy carayasavadyeryi. <sup>4</sup>Rivyichasara jachiy puryesavay, jirya mucadi nutyityu vatadamusiy, rityimyu ne tuvachuruy simu Judenu, riñuma diy variy riva samituchodadu. Rani jita samituchoda Crístunchiy, jiryatiy Judenu jantyasi

vanda darya. <sup>5</sup>Ne nutyuchu nunchiy, nutyuchu jita Jesucristunchidye, n̄itiy vichasara Nutyityu. Nuy jita jiryecyumudemiy Jesús*musidye*. <sup>6</sup>Tapi Judenu, n̄itiy danutyadeda nupocudimusirya vanda, sadanutyanimya vujechimyura, s̄atidye dityanu Crístu movara datyadadu jinchiy.

**Nutyura vuryecha vutyuvachodamu, nutyura**

<sup>7</sup>Sabay jita Judenura jidyetyada nudyimuju, nutyu sabay t̄ira jicyuriquiy japatyuvimu, riryatidye datya nijyanvay ranchiy: Ridyetyada ne jidyiryamusiy, Judenumusiy jita darya, jiryatiy jaryi datyasara daryaju darya. <sup>8</sup>Dañuma rani siryijada taji niqejada nudyimu, ne ranayadasara nta nuy. Dañumamuy ne nuñi datya nutyura nuñajachipiya, nutyura, ne nupyaruy riva jachipiyajada Judenunijyu nuday. <sup>9</sup>Dañuma riryajarupantajaya nuy, dantamuy ne sajiintye Judenu nunchintiy; dañuma riñi jpatyataniy nuy, tamu ripyarutaruy nta nuy, tamu. <sup>10</sup>Nuvyichasara javittuyuchavay jiryatiy rimyunuruy tavay nuvyumuntiñi Jesúsntiy, nuñatidye dityanu varintyirya sunuyada nuvyumuntiy. <sup>11</sup>Nuy jita jiryatiy numecho jnuvve, riberyuchara tavay variy riva diiyadaju nuy, Jesús jiyadaju, s̄atidye dityanu Judenura Jesús jnyada nuvyu diiyasaramuju. <sup>12</sup>Daryamusiy rivaachara diiyada nudyimuju; jiryimuju jita rivaachara jnyada day. <sup>13</sup>Nutyuvachu Judenu Jnutumusiy, daryani n̄itiy nuyadara jirya niqejada: Jiryatiy ratyuvachu ramu, ramuni rañique ranchiy. Daryantiy nuy, jiryatiy nutyuvachu ramu, nuñique varintiy. <sup>14</sup>Nudyetya jiryatiy Judenu, n̄itiy misadedani Vuyntyityu Jesús diiyadamusiy, n̄iday ramisadesumiy sisajuntivyuy, s̄atidye

ranityaniy satuunu jiryisajū nūntyidye.  
<sup>15</sup>Sivaañuyada jīta jiryeyadaju tītajūra,  
 tapi rūmutyanumatīy rajuu nijyanvarya  
 Jūdenū sarya, riryechanātya jaryivyajū  
 ramusiy variñi.

**Pávurubay vichāda Jūdenumu tuvāchu**

<sup>16</sup>Ramunīmuy ne nūpyarūryuy riva  
 Jūdenū siityarīsada jiryatīy dañuma  
 rāni jarapūryuy nūvyū, savadinūja  
 Jūdenū nī nuñintu. <sup>17</sup>Nūpyarūtyasāda  
 jīta jiryatīy taraquī ratyajūra, rūndesara  
 nūdyeyadajūra vanda, jiryatīy rajasay  
 jaryivyajū nuñajijū. <sup>18</sup>Nuñinūchu jītara  
 jiryatīmyū ne vanay vadichara darya,  
 ranī jīta suruy junarejū. Parutachara  
 daryajūra tītajū jiryatīy vūdyi diyede  
 riva.

**¿Tarajijū nuyntuy jiryatīy Jūdenūju  
 tūchuvay nuy, tarajijū?**

**5** <sup>1</sup>Nūdyetya jīta: Tītīy javatyara  
 nūchūtay jīrya mucadincha (darya  
 vuryītarya vūvyū), jasintīrya vichajo  
 vūjyūntīy jiryatīy Jūdenū jūdesara  
 nāvarya, jiryatīmyū ne nijyami  
 jomututa jvaachara darya. Ranī jīta  
 rāsūryū junarejū day. <sup>2</sup>Vūtyiñā jīta  
 vūvyūmu, jiryatīy vūñi jachuruy  
 vuryivara vūvyichajo jarichumu.  
<sup>3</sup>Vūjechunūvenumatīy daryajūra, ne tī  
 rādīy sidyavū variy vuryiva nūday.  
<sup>4</sup>Vuy jīta jiryatīy vūvyichasara jīrya  
 sūtāmyū, vūtyiñā tamuchavay vūvyū  
 diiyadajare, ne jiryatīy vūjetyarūrya  
 vūvyū, vūjechunūveruy jītara vadira,  
 rātīdye mācho junarejū jnūyada  
 rūbīvajū vūvyū diiyasara. <sup>5</sup>Jūdenū jīta  
 jdutyāda ranijūy vuy, sasayada Yintu  
 varivyūy vuryatīdye datya sītēnura  
 saniquejada.

<sup>6</sup>Ramunī nūjechīpyāsara,  
 nūdyetyantīy: Nūvyichasaranumatīy  
 nūvyūmu, ne nūvyichasara variy sisajū  
 Vūyntyityū. <sup>7</sup>Nūryupīñumaya

jityuvāchodamusiy daryajū,  
 dañumamuy ne nuñi diy tariva  
 jasiñechojūtyī nūvyātara.  
<sup>8</sup>Nūjechīpyāsara, rītay jītantīy:  
 Samiryavajū dyetya nuñasīpyatay  
 nūvyūmusiy, nuñātīdye vichasara variy  
 Vūyntyityū tuunu. <sup>9</sup>Ramunī nūvyāta  
 Jūdenū jachara nāchojū, varīmīyata  
 nūvyichasara vūvyūmu, varīmīyatamuy.  
<sup>10</sup>Vuryamūtī ramu Crīstu māsayo,  
 vuryatīdye jmutya nuñi tīquimūsiyrya  
 vuryivaayada murichīrya, samīrya  
 vidye, varīmīyata mītya jarupadoda.

**Samītūchoda jiryatīy samīy  
 vichādamujūra**

<sup>11</sup>Jiryatīy nūdyetya tarajū  
 vuryasuvūñi Vūyntyityū, ramunī  
 nūdyetyanurūryī nijyanvay rajīsīy.  
 Sadatya jīta Jūdenūra nūvyichāda tītajū.  
 Ravyāta jaryīntīrya, jiryatīdye datya  
 jījechīmīyuntīdyerya. <sup>12</sup>Ne nuñītay tara  
 jīryiva nūdyeyadajū; nūtyūchu darya  
 jīryiva, jiryatīdye jota jchanayada  
 jījechīmīyū nūnchīy, jiryādatya variy  
 tara nīquejadata jiryajmūtyarīy  
 nijyanvay, tara, jiryatīy rūnūvay vinu  
 samīy jvadīchavayū, ne ridīyetyarūrya  
 sītēnu jījechīpyājada.

<sup>13</sup>Nūvyīchanumatīy jatāmyī, nūvyīcha  
 variy daryā Jūdenū jiyadajū;  
 nūvyīchanumatīy vanda jachīpyāvay,  
 nūvyīcha jīryeyadajū variy daryantīdye.  
<sup>14</sup>Nūdyīvaaryūy jīta jiryatīy savātāda  
 Crīstu jaryivyūy, nūjechīpyā variy:  
 Jiryatīy sabatyeda Crīstu tītajū  
 nijyanvay jiyadajū, ramunī rīvīyichasara  
 tītajū dīvyē jījyūuchūvedīva. <sup>15</sup>Saba-  
 tyeda jīta tītajū nijyanvay jiyadajū,  
 vuryatīdye jnūy jnūvyē sayadajū,  
 jiryatīy sabatyeda vuryeyadajū,  
 samīsasubeda variy diiyadamusīntīy. Ne  
 vuryājnūy variy vuryeyadajū nūday.

<sup>16</sup>Dīyemūsiy, ne nūdyetya tī,  
 nijyanvay datyādata nūday. Dañuma

nuñi datyada munatya nūtyu niyyamini Crístu, ne nūdyiy nūtyu mitya niyyami siva nūday. <sup>17</sup>Ramuni nītiy vichasara Crístumu, savichasara vadi jūdesi varintyi. Rabaryimā tariy savichāda, vadiranuma tītaju darya. <sup>18</sup>Jiryatiy tītaju Jūdenumusidyerya, nīni jīta jdutyada Crístumusiyy sisaju vūjyu darya. Sabayada vūjyura jdutyada, vuryatidye jdutyataniy variryi niyyanvay sisaju. <sup>19</sup>Ritay jiryatiy savichasara Jūdenu Crístumu, satidye jduty mucadi janvay jsajuyū, netimyu ne sasaranu riyarōjura jiyuuchūveda, sabay variy nūdyimuntirya nuñatidye tūchujayara sūdutyada. <sup>20</sup>Nūvyicha Crístu nusūbyimiy variy, nūtyu sajachiñuy Jūdenu nūdyimusiy jiryē: Jiryamā jdutyā Jūdenujsajuntiyu. <sup>21</sup>Crístu, jiryatimyu ne sadatyadara juuchūveda, sabayada Jūdenu variy nūtyu juuchatiñi, vuryatidye vicha vasevay Jūdenu diya variy simusiy.

**Nūtyuramusiy savichanūyada  
Pāvurubay, nūtyuramusiy**

**6** <sup>1</sup>Ramuni jiryatiy nūdyivaay sisā Jūdenu, nūdyeyasanta jiryē: Ne jiryajmutya mityara Jūdenu sarya jiryatiy jiryimutya simusirya. <sup>2</sup>Sūteda jīta daryaju:

Samiryundamu ratyuvachoda jiryē,  
jantyutyada rundamu  
rīmutyajada jiryē.

iJiryajñuy, diye jīta samiryunda jīta!  
iJiryajñuy, diye jīta jantyutyada runda day! <sup>3</sup>Ne nūberyurya casinuyatā tī mōmu, rīñuma javiryūtya tavarya nūdyivaayada Jūdenuju. <sup>4</sup>Tītajumu nūdyityanu samiy muchechimy Jūdenuju, nūjēchīdedamu, jiryatiy tapimusiy nūjēchīdeda parūcharimusiyyu, nuñantuyeyadamu jarye, nuñarupanusadamu jarye risaju. <sup>5</sup>Nūjēchīdeda tapimusintiyu,

nūmyusiyēchadamu,  
nūtyanuvūnusadamu jarye risaju,  
niyyanvay jatachusadamu jarye risajuntiy. Nūjēchīdeda surra jvaayadamusintiyu, nūmeryuyadamu, nūjēchījadamu jaryentiy. <sup>6</sup>Nūdyityanu samiy muchechimy Jūdenujuntiyu jiryatiy nūvyichasara samiy jvadichavay, datyavay, tapimusiy jachīnivyē, samirya jachityavay jaryentiy. Nūvyichasara Jūdenu Jnutumusiyy, sītenu nūvyatadamuju. <sup>7</sup>Nūvyichasara Jūdenu niqejadamusiy, sadatyadamusintiy, nūjēchusarara jvatya nūdyimu, nūntyityudamyuju, nūmyidāmyujuntiy, ratatiy nūbecharanī bayantu jīyadasiy. <sup>8</sup>Tavajyu jīta samirya jvadichavay nuy, tavajyu jītamuy ne samirya jvadichavay nūntyidye. Tavay niqesara nicyaray nūnchiy, tavañi jīta niqesara samiy nūnchintiyidye; tavay jachipiya quivūvyē nuy, tavantiy jachipiya sītenu niqevay nūntyidye. <sup>9</sup>Nūvyichasara nūtyu ne datyasavay tavajyu, nūtyu samiy datyasavay nta nūvyichasara tavajyuntidye; nūtyu vadiiryovay nta nuñīcha tavajyu, nūchiityari vichāda jnūvyē varidye; musiyēchavay nuñīcha, dantyamuy ne nūdyiyyē ramusiy. <sup>10</sup>Dañuma nuñīcha vayimu, nūvyichasara jchanavyē varintiy; dañuma nuñīcha jantyuyaniimiy, jasintya nūche tara samirya varidyeryi rityi tuvachusara nūdyimu; dañumamuy ne nuñīchasara tara tavay, nūvyichasara jaryi tara tavay Crístumu varidye.

**Satūchoda Pāvurubarya  
sītenu jījēchīpiyajada**

<sup>11</sup>Coríntyumu vichavay, nuñiquemā vijyomujache jiryimu, nūjēchiy jīta mačo muttarya jiryēñēchoju day. <sup>12</sup>Ne račasara mutanusara nūjēchiy jiryajijū, jiryē jīta muttaruy dyetyara

jiryejechipiyajada nuñiyaresidye. <sup>13</sup>Raya-santa jirye nuțyu radyedyeñu nta daryaju jirye, jiryamurichenu jivyatadata ray, daryatıy ravayata jiryentyidyey.

**Vuvyichasara nuțyu Jüdenü roriy yájjıu**

<sup>14</sup>Ne jiryecha vatajuu rusá rityımyu ne tuvachuruy simu Jüdenü day. ¿Nutyuramusıñá saıvaay samiy jvaarya sısa nıcyaray jvaarya, nuțyuramusiy? varımyata vıjyomu jvaarya sısa nıtiy jvaarya vacha nupocudinube. <sup>15</sup>¿Ne vanay nta saryi jvaay Vuyntyıtyu Crıstu vatajuu sısa Satanásiy day? dantıyamuy ne saryi jmutya Crıstumu tuvachura jıyarurıya sısa tuvachusa.

<sup>16-18</sup>¿Nutyuramusiy saryi jmutya Jüdenünı jııputera jvaachı jıryorıvyımu, nuțyuramusiy? ¿Ne jıryınuy vuñichasara Jüdenü roriy? Darya süteda Jüdenü varıy:

Ravıcha ruuva, rarupıñumaya rıpyarudıva, racha varıy rundenu, rıy jıta racha rañıjyanvay.

Ramunı sutay Nutyıtyu:

Jıryanuma sıpyatay rıquebyı-musiy tuvachusamıy, jıryajııntey ruumusiy. Ne jıryajvaarya jıryatıy rıbachara jıryajısırıya, rajmutya varıy rımuju jırye, ratıdıye vıcha varıy jıryejye, daryaday jıryecha varıy radyedyeñuvedantıdıye, daryatıy sutay jamu nutyıtyu jıryatıy sansuchara tıtajura.

**7** <sup>1</sup>Ravyatavay, jıryatıy vuryımutyara jırya sanıquejada, vuryama puı vuryıvasırıya tıtaju jıryatıy mı vuryıvara, vıjechıvyasıy jarye, vuryatıdıye jııntya tıtaju Jüdenümüju vuy, jıryatıy vuchuvuy daryajunı.

**Sıchanayada Pávurubay jıryatıy rıpyaruyada Corıntyu janvavyedabay rıva vacha vıchada**

<sup>2</sup>iJıryajmutya jıryejechıvıya nuy! Tamá nuñavıta tı jıryetyevay, tamá,

dantıyamuy ne nuñarupanu tı, dantıyamuy ne nuquıvıchu tıntıy. <sup>3</sup>Ne rıtay darya ratıdıye tıchuta jırye. Nuțyu rıtesıy jıtyaju jıryıva: Nuıjechımyuju jırye jıryatıy nuđıımya jıryısa juuchüvedamuju, nuñınıchara jıryısa Crıstumuntıy. <sup>4</sup>Jaryı rajechıpya vıjyomu jıryeñıjıy, jaryı jıta rıchanayada jıryenchıntıy. Rapyaruyadamu ramuchanıy samıy jachıpyıjadara rajechıy, rıchanay jarye rısaıy, jıryatıy ratıyuvachodara samıtıchoda jıryenchıy.

<sup>5</sup>Nuđıyıtıjadanumatıy Masedónıya mucadımu, ne jııtıyadatavay nuvyıchada varıy, mıtya. Nuđyetyadara parıcharıy tıtajumu; ravıchada totıyada bımu, suvuyada jarye rajechımyuntıy.

<sup>6</sup>Jüdenü jıta nıtiy jmutya vıpyaruyadamu vuy, nıñı bıyada samıryara nuıjechıy, varıtyı samıtıjada Tıtu nuđıymuju. <sup>7</sup>Nuñıchanachara varıy, ne vınu samıtıjadamusıy, ramu jıtıantıy jıryatımyu ne saıjachıpya jaryı jıryenchıñııday. Satıchoda daryaju rıva: Rıñıvay Corıntyu janvay jaryı jı, rıñıyada saraju; rıvyıcha jaryı vanıravay jıyadaju. Ramunıtiy rıchanay jaryı junay varıntıy. <sup>8</sup>Dañuma jıryeyıvatyada ranchıy racyaterayu, ne rajechıpya jaryı ranıjıy nıday.

Taraquıju rañı jachıpyıjadada ranchıy jıryatıy jıryeyıvatya jıryeyu, rıvasıy jıtıamuy ne nıday. <sup>9</sup>Diye nuñıchanay ranchıy, ne jıryatıy jıryeyıvatıyay, ranchıy jıta jıryatıy jıryepıyaruy rıva vacha vıchada. Rayıvatyanıy Jüdenü vatadamusıy daryaju jırye. Ne ravıchada javatıyasara varıy nuđıymusıy jıryejıuntıy. <sup>10</sup>Tapı varıtyı rıpyaruy nıjıyanvay rıva vacha vıchada, Jüdenü vatadamusıy santıyutyadaju, ne vuryaparuy varıy rıva. Nıtiy paruy rıva vacha vıchada vınu yanadamusıy jıryatıy nıjıyanvay dıyara, saıto dııyada

sarajū rucosiy. <sup>11</sup>iJiryajnyū nūtyura jachipiyajada rajotāda jiryimu variñumatiy jiryeparyuyada riva vacha vichāda jiryatiy sayivatyaniy Jūdenū ramusiy jiryē! iNūtyuramusirya jiryedyetyaryadara tuchutāda jiryēñijyū, nūtyuramusiy! iNūtyura niqueyadata jiryēñiqueyada vacha jvaarya nijyū, nūtyura, suvuyadata jarye! iNūtyura nūryuyadata jiryēñiruyada ray, nūtyura! Jiryedyitya-doda jaryi vanīra jachityavayū, jiryatiy jiryemyurichenurūrya juuchuvēda murichirya daryajū. Jiryedyityadoda samiy jachityavay tītajūmuyū, jiryā tūchutasādamū. <sup>12</sup>Ramunī rañuyadara catera jiryimu, ne sayadajunī jiryatiy juuchatiñī, dantyamuy ne sanijyūnī jiryatiy jarupanusī rivasiñī; rañuyadara catera, ratidye mutī jiryēñiruyada nuñijyū Jūdenū diya. <sup>13</sup>Nuñichanāmya jīta variy jiryatiy jiryetyuvachoda nūdyimu, jaryivyajuntiy nuñichanāy Tītu jchanayadamū, jiryatiy raparyuyada sajachipiyajada jiryēñijyū. <sup>14</sup>Jiryatiy nuñichanāyada jiryenchiy Tītumu, ne nuñāda mitya jiñiquejadiva, tapi daryatiy nuñiquejada tītajura sītenu niquejada jiryimujū, daryadantiy ravichāda sītenu nuñichanātyada jiryenchiy Tītumuntiy. <sup>15</sup>Rasañuma Tītu nūryuyada jiryēñijyū sajachipityanumatirya jiryetyuvachoda, jiryechuvuyada jarye, ratatiy jiryimutyajadani. <sup>16</sup>Rīchanātya jiryevyichadediva tītajuyū.

**Samirya jachityavay Masedóniya  
janvavyedabay jiryatiy rajuurā  
sayadacanumiriyi**

**8** <sup>1</sup>Diye nūtyūchurūy jiryivara Jūdenū jmutyāda jiryatiy sasāmya riy jichiityarivajyū Masedóniyamū vichavay. <sup>2</sup>Dañuma sani jantyāda Jūdenū jaryi parūcharimysiriy,

raşayada riichanayada variy ramusiy, jasicharajutiy richēyada jaryi riryentyuyada jiyadajuyū. <sup>3</sup>Tapi richēyadara jasicharajutiy riryateda, ratyuchuta vijyomujache rinchirya, richēyada jidyirya saryuyadamusirya, jasicharajutiy richeryuyadara. <sup>4</sup>Riyasantāda jaryi jachiñuyadamusiy varivyūy: Nūcheryurya nūdyeyarūrya jmutyāda, jiryatiy Jūdenū siityarivay jiyadajura. <sup>5</sup>Ruvaayada jīta nūyntuyada jiyadajū, jiryatiy rūntatya munatya Vūyntyityumuyū, nūdyimuntiy, Jūdenū vātadamujū. <sup>6</sup>Ramunī nūdyeyasantasiñī Tītu: Daryatiy jijyotāda, daryaday yačasintyirya jiryā sachara Coríntyu janvamyujuntiy.

**Samusuyada Pāvurubaryi Coríntyu  
janvavyedabay richēyadajū**

<sup>7</sup>Diye, daryatiy jiryē rabēda riy tavay jiryetyuvachodamū, jiryetyuchodamū, jiryedyetyadamū, vanīra jvaayadamū jarye, jiryevyātadamū jarye risajū nuñijyū, daryantiy jiryāramiriyī riy tavay jiryecheyadamuntiy. <sup>8</sup>Ne rañique nūtyū Jūdenutiy jpadadara jiñiquejada. Vinu rāntyaryūrya jiryevyātada, sītenuñiviy rasarara rivyatāda tavay, jiryatiy vanīra jvaavyedyeryi. <sup>9</sup>Jiryedyetya daryajura savātada Vūyntyityū Jesucristū, nūtyuramusiy sāntyudoda jiryeyadajuyū, dañuma savichasara jaryi taratī Jūdenūjsā, jiryatidye vicha jaryi taratavay variy sāntyuyadamusintyidye. <sup>10</sup>Ratūchu jītara rajechipiyajada jiryecheyadanchiy: samirya dyetya jiryeyjura, jiryatidye jiryiryī ramū, jiryatiy ne vinu jiryeyjota jvaayada, jiryivaaryuyada jaryintiy. <sup>11</sup>Diye jīta jiryamā jvaamyūy darya sarajura yivaaryuyada, jasicharajutiy jiryimura. <sup>12</sup>Tapi vūñumatiy saryūrya tara, samirya rača vuryatidye say darya



sarajutiū vuryimura. Ne savatasara Jūdenu vuryasarya tara jiryatimū ne vuryimura. <sup>13</sup>Ne rītay jiryajvaay parūchariy yasiquita, daryantymū ne riryi jīituy tavay variy jiryetyuunu day. <sup>14</sup>Vuryi jmutya tītaju vatajuu varivyuy. Diye rundamu jiryajmutya riy tavay, jiryatiy rasūtye tara riy, jiryatiy ramachō jiryimu, riryatidye jmutya tarundamu jiryechūtyedamuntidyeyu. Daryani vuryamachō jidchavūju.

<sup>15</sup>Darya nūchara tariy:

Nītiy jiryeda jamura, ne ramachōjada tara saju; nītiy jiryeda pasidyera, sajūni jīta ne rasūtyeda tara varidye.

**Pávurubay jpajada riy Títuvedabay Coríntyū janvavyedabamyu**

<sup>16</sup>Rīchanatyani Jūdenu jiryatiy sabañi Títu samirya jachityi jiryenījyū, sātīdye jmutya darya jiryentyi. <sup>17</sup>Sadirye jīta Títura nujechiñuyada, jiryatiy sadirya jiyarū jiryimu. <sup>18</sup>Nuñipa sisanī tīqui vūtyeryi jiryatiy samiy vadichī tītaju Jūdenu siityarīvajyuumujūni, jiryatiy satūchunumayāra samitūchoda. <sup>19</sup>Ne vinu ramusiy saya, rijeryeta Jūdenu siityarīvajyuuntiñi, sātīdye rupi nūdyisa, criqui sāchara jmutyajadaju, jiryatiy nuñimutya Jūdenu jchanatyasadajura, nuñimutyaryū daryaju riy jantyuyadavay. <sup>20</sup>Nūdyivaay nurya riñuma javityiye nijyanvay nuy, jiryatiy rijechipiya dyetya nuñimutya rajuura criqui nuñatidye paranu varirya. <sup>21</sup>Nūdyivaaryuy daryajura vinu jiryatiy samirya Vuyntytyū diya darya, nijyanvay diya jaryentyi. <sup>22</sup>Nuñipa rusantiñi tīqui vūtyeryintiy, samirya jvaayadatīnuma daryajūni, nijyanvay jarye datya samirya jachityintidyeni. Diye jīta sivaaryuy jaryivyaju nūdyisa, jiryatiy sajachipiya samirya jiryenījyū. <sup>23</sup>Rītay jiryiva Títu nchiy, ninī jīta risa

jvaañu; Títusa rupiñujyū sataryijunchiy, rītay nanīcha Jūdenu siityarīvajyuū jpasanujyūy, Crīstu jchanatyasadaju nada. <sup>24</sup>Ramuni jiryadityanura jiryevyatada ridyia, riryatidye jnyū Jūdenu siityarīvajyuū rivasiy, nūtyuramusiy nuñichanatyada jiryē variy, nūtyuramusiy.

**Sumutyaryūyada Pávurubarya criqui riryatidye say jantyuyadavarya**

**9** <sup>1</sup>Ranchiy jīta jiryatiy nuñimutya jmutyada Jūdenu siityarīvajyūy jiyadaju, ne jiryevyāta ranūy catera jiryeyūntiy. <sup>2</sup>Radyetya daryaju jiryechipiyajada samirya. Ramuni rīchanatyasara Masedóniya janvamyū jiryē: Acāya janvay jīta jōtada sayada tariy jantyuyadavajyuūy. Rivyanūtyada variy rajuūy, jiryatiy ridyī jiryiva vanīra jachityavay. <sup>3</sup>Ramuni rīpa riy vūtyeryiveda jiryimūju, rañuma machō mitya rīchanatyada jiryenchiy, jiryatidye vicha jdutyasavay daryatiy rītachara jiryenchiy. <sup>4</sup>Riñumatiy jūto Masedóniya janvay risa jiryimūju, rañirūy riryasarye jdutyasavay jiryē, vūñuma machō jantadachavay, jiryatiy nuñichanatyasiy jaryi jiryē. <sup>5</sup>Ramuni rajechipiya samirya ratidye jiyasanta rivani vūtyeryi: Jiryeyanta rajiju Coríntyumūju, jiryatidye jdytya jītyajura richerya rajiju, riryatidye say samirya jachityavay, ne jubayada jachitya.

<sup>6</sup>Rītay daryaju jiryiva: Nītiy nuta jubayada jachityi tara, daryaday rasūtye sasojadajūntiy; nītiy nutara rajuura, daryaday saso rajuurantidyerya. <sup>7</sup>Nuñi tīqui sasay daryatiy sajachipiya sayada; ne samirya sasay jiryatiy jubayada jachityini, dantymūy ne rañirūy rasatyanīy tīra. Savāta Jūdenu jaryiñi nītiy say jichanayadamu. <sup>8</sup>Jaryi vanūrya Jūdenu, sātīdye jasachu tītajura

vuberya, dantyamyuy ne rāšutye tara vuvyātara, rāmačho rajuura jadchintyi, vuryatidye jmutya ratanī nītiy rasutye tara, vuryatidye jvaay samirya tītaju Jūdenu diya. <sup>9</sup>Daryatiy nučhara Jūdenu niquejadamura:

Sasayada jantyuyadavamyura jmutyada; rāsuruy sivaayada samirya junareju saraju.

<sup>10</sup>Diye, Jūdenu nītiy sacharara nutasarasiy vuyntadaju, nītiy sacharara pa vuryibjedajuntiy, sajtotanicharara, sajasachusarantirya nutasarasiy vujyuntiy, ratidye jasay variy jatosara vujyu, jiryatiy vuryajato samirya jvaayada murichiriyara. <sup>11</sup>Jiryatiy sabay jaryi taratavay tītajumu jirye, jiryecha variy jaryi sayadacanumintyi. Ramusityi riryajchanatya nijyanvayuuni Jūdenu, jiryatiy nuñasay jiryecheryantidyeryi. <sup>12</sup>Tapi jiryatiy vuryimutya daryamusiriy tavay, ne vinu ritotanirya richutyeda Jūdenu siityarivay, raramichaja variy riichanatyada Jūdenunijyu. <sup>13</sup>Jiryatiy sadyanu Jūdenu jirya jmutyadamusiy jirye, jiryajchanatyataniy jiryetyuvachodamusini, jiryatiy jiryetyuvachu ramu samituchoda Jesucristunchiy, jiryechey variy samirya jachityavay tavay jmutyasadaju, riryajchanatya tītaju variy ramusini Jūdenu. <sup>14</sup>Riñumatiy jachiñuy siva Jūdenu jiryeyadaju, riryaniyuriy variy jiryentyi, jiryatiy ridyi riva Jūdenu vatada, jiryatiy jasayada jiryimujuntiy. <sup>15</sup>iRiichanatyateni Jūdenu sasayadiva, jiryatimyu ne rasarāra vuñiquejada tuchoda ranchidye!

**Pávurubay ramityadeda yivara vivaayada nutyu nusuchi**

**10** <sup>1</sup>Ray Pávuru jiyasanta jirye, nutyu Crístu nītiy vichasara siityejada jachityi, rayasanta jirye, tapi ratyamusiy rayasanta jirye. Rutay

ravyichasara ranadanube jiryetyuunu, varityi ravyichasara rasiquita taji jiryajisiy ravyichasara jaryi niquera variy. <sup>2</sup>Rayasantasara variy jadchiy jiryentyi: Rānumatiy jutī jiryimu, ne jiryaniquettanirye, ratidye nique jaryi sanijyu nītiy jtay nudyivaay vinu nijyanvay datyadata. <sup>3</sup>Dañuma nuñicha nutyu nijyami jirya mucadimu, ne nuñivay jimyityasivedyatayu nutyu nijyami nta. <sup>4</sup>Nuñivatya jita ne nijyanvamyusiy jvatya darya; Jūdenumusiy jvatya daryaju darya, jiryatiy savanutyatarara, ratatiy vuryajvattirya rivyanutyajo Jūdenu mityasivveda. <sup>5</sup>Nuñajavatyamurya niquetada tītaju jiryatiy riñubesityaniy tavay, Jūdenu datyada jiyarojura. Nudyiritye tītajura jatachoda, nuñatidye saboniy Crístumura. <sup>6</sup>Nuñicha jdutyasavay, nuñatidye murichenutaniy tītaju riy jiryatimyu ne rityuvachuruy simu Jūdenu, jiryenumatyiy tuvachu simuntiy.

**Sadityadoda Pávurubarya yiteda Jūdenumusiryá**

<sup>7</sup>Jiryajnyuy samiy ranachho jiryatiy samiy jvaayada jiryedyiyadajache darya. Nītiy datya samiy Crístumu dayu, sama jachipityayu: Daryariy Pávuruveda Crístumuntiy. <sup>8</sup>Dañuma rañi jchanatya jaryi nta ray, jiryatiy sabayada Vuyntyityu jiryentyityuju daryaju ray, ratidye vanutya variy jirye, ne jiryarupanusadaju. Ne riryajantaniy tavay variy riva nudarye, mitya. <sup>9</sup>Ne ravyata daryaju jiryajachipiya: Mitya sasuvchuruy nta Pávuru jicyaterata vuy. <sup>10</sup>Sutay daryaju ti: Sacateramu jita jñiquera jinda niquejada, surra niquejada jarye; sanumatyiy muti, ne sanicha samiy jvadichi nta, saniquejada jarye javityiyechara. <sup>11</sup>Nītiy jtay darya, sama jachipiyantiy: Daryatiy savicha

Pávuru jicyateramu yibivaju, daryantiy savichasiy sanumatiy jutíntiy.

**Taramusirya schanatyada  
Pávurubayu, taramusiy**

<sup>12</sup>Ne nuchara nta rivyichasara rityi junnuvayadayu. Riñi jita saranu nuñi ridyeyu, jiryatiy datyisamiy daryaju daryi.

<sup>13</sup>Nuy jitamuy ne rajchanatyasara saranusara jiyadajuy. Sabayada Jüdenura saranuta nuju ratatiy nucherye jiryecharaju. <sup>14</sup>Nuñumatiy jutojada jiryimu, ne nuryamiryjada nudyeyaryya jiyadaju, jiryinuvitya nuvyicha munatyavay, jiryatiy nudytotanirya samituchoda Crístunchiy jiryimuju. <sup>15</sup>Ne nuñichanatyava tavay jvaayadanchiyu, jasityimyuy ne nudyivaayada day.

Nuyntuy jita, jasicharajutiy rajasay jiryetyuvachoda Jüdenumu, rajasay jaryi risajuntiy nudyivaayadasutyeryamuju. <sup>16</sup>Nutyuchunayarurya samituchoda variy ratarya mucadimu jiryeyadajuntiy, jasityimyuy ne nuñajchanatyava tavay jvaayadanchiñudayu. <sup>17</sup>Jüdenu niqejadamu nuchara daryaju darya:

Nítiy jchanataryuyu, sama  
jchanatyava Vuyntyityumu variyu.

<sup>18</sup>Nítiy jnutatya samiy jvaaryayu, ne jantyasi ramusidyeñi; varityi suntatya Jüdenu nutyu samiy jvaarya nta ti, niní jita jantyasi day.

**Tuchuvabenchiy rityi jtijada  
Pávurubay jubiva Coríntyumu**

**11** <sup>1</sup>Jiryetyi jachiniy rajú rañiquejada datyisadayu. iRadyetya sitenu jiryatiy jiryechinirya! <sup>2</sup>Raryetya jita Jüdenumusiy ratyada jiryeyadaju, jiryatiy radyitanuruy nutyu vatura jutu tiqui vanuju jirye, jiryatidye vicha variy nutyu Crístu vatura jiintyasi. <sup>3</sup>Rachuvuy daryaju sañuma quivuchu Satanásiy jirye, darya saquivuchoda codimysiy jidyetyadataní vumyunatyí Éba, jiryatiy

satachoda rajisiy samiy jachipiyajada sanijyu Crístuni. <sup>4</sup>Rachuvuy daryaju, jiryatiy sanumatiy jutí tiqui jiryimu nitíy datyanu sanchiy sataryí Jesús, jiryatimuy ne sanícha sitenu Jesús day, jiryatiy nudetyadoda sanchiy jirye, jiryadirye dyetya samiy varirya sadatyadoda quivuchusara. Dañuma sanícha tí jnutu, jiryatimuy ne sanícha sitenu Jüdenu Jnutu day, jiryatiy jiryimutyajada munatyaní, varimyata ratarya tuchoda jiryatimuy ne sitenu samituchoda darya, jiryadiryesara dyetyara. <sup>5</sup>Rajechipiyá daryaju: Ne rachutye taraju jiryatiy rivyicha riy rityi jtay jaryivvaju Jüdenu nusubivedayu. <sup>6</sup>Dantyamuy ne rañícha samirya niquera, radyetyada jita vichasara samiy rimu day, daryatiy nudyityanu titajumu jiryerya.

<sup>7</sup>¿Rajyuuchuvavyi jiryeyaraju jiryatiy ravychasara jiryimutyisiju, jiryatidye vicha jchanatyasavay, jiryatiy ratyuchoda Jüdenumusirya samituchoda ne murichetara jiryeyjura? <sup>8</sup>Rimutyajada nutyu paranusarara jmutyada, tavay Jüdenu siitaryivajyuumusiy, ratidye jvaay variy mitya jiryimu.

<sup>9</sup>Dañuma raryi sutyeda tara rajyu varityi ravychada jiryimu, ne rajechiñuyada tara variy rajyu. Rutotadeda jita Masedóniya janvarya titaju jiryatiy rasutyechara ray, varityi rutijada rimu. Daryamusimyuy ne tí murichenu jiryetyenura ravychada murichirya jiryimu, dantyamuy ne samurichenu tarundamuntirya. <sup>10</sup>Darya ravicha Crístu niqejada vase rimu, ritay: Ne tí randasatanirya ríchanatyada ramu, Acáya mucadiva. <sup>11</sup>¿Taraju ravychadeda darya, taraju? ¿Ramusiy dyetya jiryatimuy ne ravyatasa jirye? iSadatya jita Jüdenu ravyatasa sitenu jirye! <sup>12</sup>Daryatiy rivaay, daryani rajvaajeyasarantiy, ratidye sovy

riryajisirya yichanatyadayu, jiryatiy riñi nta yivaay jidchavü daryatiy nüdyivaanty. <sup>13</sup>Riñi jítamuy ne sítenu nusuchavadye, riñicha jvaavye quivüvye, jiryatiy riñi títunuruy Crístu nusübyivedajuyu. <sup>14</sup>Tama tittasara nujjyura ruvaaryuyada, tama, tapi satítunu Satanásiy daryaju Jüdenü jpanujuyu, vandamu jpanuju quivüchodaju. <sup>15</sup>Ne vuryatítta varyi riñumaty títunu Satanásiy cumudemiyu, vüdyi varyi nütyu samiy vichavay ruuva. Riryaparutay yivaayada murichirya, Jüdenü jtedamujuntiy.

**Nütyura saparütyada Pávurubayu jiryatiy savichada Crístu nusübyi, nütyura**

<sup>16</sup>Rítay junanty, ne tì rajtay: Datyisani Pávuru. Nítay jтарыу darya raynchiy, samä dirye varyi nütyu datyisa ray, ratidyе junnuvay taraquideju ray. <sup>17</sup>Jiryatiy rañique jiyu, ne rañique Vuyntyityumusirya. Nütyu datyisa rañique daryaju, rinnuvay jaryi varirye. <sup>18</sup>Jiryatiy runnuvay rajuu nijyanvay riva jiberyayu, rajerye rajnuvaye. <sup>19</sup>Tapi jiryicanuy jachideda rijyu datyisamiyu, jiryatiy jiryevyichasara jaryi datyavay. <sup>20</sup>Jiryejehinitya daryajura jiryatiy sasabutyaniy tì jirye, varimiyata jiryatiy sacasiy tira jiryeberya, varimiyata jiryatiy jiryivaayadamusiy sacanachara tì, varimiyata jiryatiy sunnuvay tì jiryeyarojuyu, varimiyata süvay jiryemyoniy. <sup>21</sup>Rítay ranadamu, nüvyichada jaryi vadiiryovay jiryimu. Títay jnuvayuy tarivayu, nütyu datyisa ritay rajnuvay daryantidyerye. <sup>22</sup>¿Ebré vuveda viriy? ¡Daryadantidyerye! ¿Irayenuveda viriy? ¡Daryaday varintidyerye! ¿Avurá dadyeñu viriy? ¡Rajerye! <sup>23</sup>¿Crístu muhechimi viriy? Ratayadamu ritay: ¡Rajerye rañicha jaryi ruumusiy! Rivaachara jaryi paruchariy ruumusiy, ravyichada japichiy

tanuvunusi, rimyusiyyada jaryi riyadaju ray, ne taraquiju ravyichanuyada vadiiryonu. <sup>24-25</sup>Tadajoyu rimutyajada Judiyuvedamusirya museda, jiryatiy daryajuyu vuyajuy musiyeyada, taraqui macho, mitya; mumuriju rimyusiyyada jivüseta ray; taraquiju rijecheda ravichütantirye. Mumuriju rajayada cartyequii rajisintiy; tarundaqui, tanuporaqui ranchaju ravyichada jamu, jamu navajache. <sup>26</sup>Rajuura raryupiyadamu raryamiryijada riva suvüchara nacho jnuchara. Ravyichada suvücharamu jamumumusiy, paranunuvamyusintiy, ratyevay Judiyuvedamusiy jarye, mununumimiyusintiy; vichadivasiy jarye risaju, mityatomu, jamu navamu, nijyanvamyusiy jarye títaju, jiryatimiyu ne sítenu vütyeryiveda Jesucristumu daryi. <sup>27</sup>Rivaayada jita parucharimysiy ridivajada saraju; raryamiryijada rameryuyadanube rajuu nupora; radyetyadara jachijada varyi, jchumuyada jarye; rajuuramusiy ravyichada ne jmyicharati ray, rachudoveda varintiy, jiryatiy rasutyeda rachujay daryaju ray. <sup>28</sup>Tara jarupadodanchajuntiy radyetyara jinda riva, jiryatiy rajechipiyasara riñijyu Jüdenü siityarivajuyuu títaju. <sup>29</sup>Títay jdiva ritye, rajerye jdiva varyi sisajuntidyе; títay casinuyatanifi rityenu, ramyo randavuvay varyi ranadamuntiy. <sup>30</sup>Ramuniday raryity jnuvayuy tariva ray, rajnuvay ridivajadiva varirye. <sup>31</sup>Sadaty Vujye Jüdenü, Vuyntyityu Jesús jarye sisaju nitay jchanatyasi junareju, sadaty jita raquivütya, mitya. <sup>32</sup>Damáscumu sabayada japu riy jurivye, vichada rorijyumu, riryatidyе jnutyajajijura, riryatidyе juriy varirye. Savichada jamu nutyityu Arétasiy jtyati varyi jasy. <sup>33</sup>Rumusadeda ratyevay varyi jityuvimu ray, puryesara jiyadasiy. Daryamusiniday rabeyada jurivyejisiy.

**Sadityanunuyada Jüdenü nî Pávurubay  
nutyu jimeryisadamu**

**12**<sup>1</sup>Rajnuvantyirye, dañumamuy ne ranicha samirya jnuvayada. Raramiryi ratyuchodamu ramu riva dirya, jiryatiy sadityadoda Vuyntyityu ray. <sup>2</sup>Radyiyada siva nu vanu jiryatiy Crístumuni. Vuyajuy nijyamusiy, dañijyajuy ranchaju, savichada sovachi varyi jarichuvimuju, tamitya jarichumuju. Ne radyetya nutyura ravyichada varyi, nutyura, varimyata ravyumu, varimyatamuy; vinu Jüdenü datya. <sup>3-4</sup>Radyetya jita (varimyata ravyumu varimyatamudyetya, niday Jüdenü datya darya) ravyichada sovachi Jüdenü vichadamuju, jasityi ratyuvachodara niqejada tittasara, jiryatiy jubachara nijyanvay tuchodaju darya. <sup>5</sup>Raryi jnuvay daryiva ray. Nenta raryi jnuvay. Vinu ridivajadiva rajnuvay. <sup>6-7</sup>Raryityi jnuvay riva ray, ne raryivyicha datyisa varyi, ne vanay riryi jtay sanijyu. Rapyaray jita tuchoda riva day, sañuma jachipityaja ti jaryivyaju rivaayadiva ray, jiryatiy sadiy rimu riva, varimyata satuvachu rimusirya; daryantiy jiryatiy jaryivyaju radyiyada Jüdenumusiy riva. Ramunیتی, rañuma jnuvay riva ray, rimutyajadara jdivajada, nutyu roda ravicha ravyuniy, Satanásiy jpará, ratidye jchityirye, rañuma jnuvay riva diráva ray. <sup>8</sup>Rajechiñuyada siva Vuyntyityu mumuri saraju ranchiy, satidye jiintya rivasirya. <sup>9</sup>Suteda varyi riva: Rasarñuma rimutyada jijiyu, tapi ritotanirya ravyanuyada yidivajadamusiy yimuju. Ramunیتی ríchanayadamu rajnuvay jaryivyaju riva ridivajada ray, ratidye vichasiy Crístu vanuyada riva. <sup>10</sup>Ramutiy ríchanay ridivajadamusiy, javityiyechadamusiy jarye risaju, paruchariy vichadamusintiy,

javatyasadantiy, parutyasada jarye, tara sutyeda jarye risaju, jiryatiy Crístu jiyadajura, tapi rañumatiy diiryuy, ravyicha varyi vanurya simusiy.

**Sajachipiyajada Pávurubay riñijyu  
Coríntyu janvavedabay**

<sup>11</sup>Ratyitumya datyisaju jiryeyasayadamu, jiryatimyu ne jiryeniqueruyada nudyejadaju. Tama rasutyechara tara mitya ruumusiy jivye, tama, rityi jtay jaryivyaju Jüdenü nusubyimiyu, dañumamuy ne rañicha tittá. <sup>12</sup>Sitenuni sadityanu Jüdenü jiryimu raynchiyu nutyu rañichatiy sansubyi, jiryatiy sivaayada tapi ratya rimusirya tittasara, savanuyadata, mityamusiy misadedada jarye risaju. <sup>13</sup>¿Tara sutyte jiryimusiy tavay Jüdenü siityarivajuyuu jiyadaju, tara? ¿Ramuní detya jiryatiy ne ravyatada jiryimusirya ravyichada murichirya? ¡Jiryama ramityaniy rivara jirya rivaayada, jiryatimyu ne samirya jiryedyiya darya! <sup>14</sup>Jiryinuy raryicha rajiju mumuriju jtojada jiryimu. Daryantiamuy ne ravata ranacho ravyichada murichirya jiryimu, jiryatimyu ne ravyata ranacho jiryeberya, ravyata jita jiryenecho Jüdenuju, tapi ne riryibe deramiy tara jijye jiyadaju; riryibe jita jamyí tara jidyedyeñu jiyadajuday. <sup>15</sup>Ríchanay jita jiryatiy racheý tara jiryeyadaju jasicharajutiy rapechitya jiryintu jantyutyasada jiyadaju ray, dañuma racovay jiryeniñuyada rañijyu rucosiy, jiryatiy ravyatasara jaryivyaju jiryedye. <sup>16</sup>Jiryatiy ne ravyatada jiryimusirya ravyichada murichirya, ti dyetya jtay: Saquivuchuma jiryeniyaresiyu. <sup>17</sup>¿Tímusiñitiy raquivuchoda jiryedye, jiryatiy ripajada jiryimujuni? <sup>18</sup>Rayasantada jita nî Títu, satidye jiya jiryimuju, ripajada sisaní vutyeryí Crístumuntiy. Ne saquivuchoda Títu jirye. ¿Ne viy sivaayada darya jachipiyajadata,

nūtyu ratyi daryá? ¿Ne sasiityarjira ravychada cay?

### Sasuvuyada Pávurubay

<sup>19</sup>Jiryechipiyasara dyetya ránciy: Mitya saray jiyada, darya niquejadata. Nuñique Jüdenu diya Crístumu títajura. Jiryatuvachu nuvyatasavay, nuñi nique títaju jiryevyanūtyadajura. <sup>20</sup>Rachuvuy daryaju rañuma sarye jirye, jiryatimyu ne rañi saryeryuy jirye, daryantamuy ne raryicha samiy jvadichj jiryedyiya. Rachuvuy daryaju rañuma diy variy jiryimu riva niqetyada, ratyada, niqueyada, nuñi vudyirya jachipiyajada, javityiyeyada, vacha tuchunumayajada, jnuvayada, vuryavatyasada jarye risaju. <sup>21</sup>Rachuvuy varityi riti jiryimu, rindenu rajantaniy jiryenijyu ray, ranuvari rajuu jiryatimyu ne ripyaryuy riva jiyuuchurveda, jiryatij rivyichasara vacha jvaavye, ti vaturujsa rupivye jarye, cadnamivyeda jarye risaju.

### Samuchurveda Pávurubay tamitya riy Coríntyu janvavedabay

**13** <sup>1</sup>Mumuriju rajti jiryimu. Danujyu niquejadata, varimyata munvay tuchodata vuryadatya sitenuvidyerya tuchutada tinijyu. <sup>2</sup>Radyetadoda juuchuedajisij jirye, ravychadanumatij darajujyu jiryisa. Diye ribivaju radyetyanu jityaju jiryentyi, jiryetyevay jarye jiryisaju jiryatimyu ne rijyuuchurveda munatya jiryisa day. Ranumatij jutij jiryimuntiy, ne raramityaniy jiryivara jiryeyuuchurveda nuday, netimyu ne jiryaparuy munatya riva. <sup>3</sup>Jiryevyatada daryajura radityanu sitenu satuchusara Crístu rimusiy. Ninij jitamuy ne jdivajni jiryenijyu, sanicha jita vanurya jiryequibyimu. <sup>4</sup>Dañuma sani batyeda Crístu crusityasa nūtyu jdivajni nta, sunujeyasara diye saraju, Jüdenu vanuyadata. Daryaday nuntyi, dañuma

nuñicha jdivajnuvay sisa, daryadantij nuñajnyasiy jiryenijyu sistantiy, Jüdenu vanuyadamusiy.

<sup>5</sup>Jiryama jantya jiryedyeyu, sitenuñiviy jiryevychasara tuvachuvay, jiryama jantya. ¿Neviy jiryedyetya savichasara Jesucristu jiryimu, netimyu ne jiryenicha jatyasavay, jiryatimyu ne jantyasavay jiryedye? <sup>6</sup>Rayntuy rajiju jiryetyi datyasij rivasisya nuñicha nuntyi jantyasavay Jüdenu diya. <sup>7</sup>Nujechiñuy siva Jüdenu jiryeyju, ne jiryajvaay tara vacha jvaayada, mitya, ne vinu nuñatidye macho samiy jvadichavay jiryedyiya, jiryeyadaju jita, jiryatidye jvaachara samirya, dañuma nuñi macho rivasiy nūtyu ne jantyasavay nta. <sup>8</sup>Ne vanay daryaju nudyivaarya tara vase niquejada jiyaroju, vinu rayadaju. <sup>9</sup>Nuñichanay varityi nuñicha nta jdivajnuvay, jiryetyi vichasara variy vanuyve Crístumuntidye. Nujechiñuy jita siva Jüdenura jiryeryetyanusada. <sup>10</sup>Ramunij rañuy ribivajura jirya niquejada, rañuma niqetya vamiryamu jirye, ranumatij jutij jiryimuntiy. Sabay Vuyntyityu jiryentyityujyu ray, ratidye vanūtya rata jirye, rañuma jarupadosij variy jiryentyi.

<sup>11</sup>Tamitya, ratyeryiveda, jiryajchanay, jiryañuma ratyanuyu, jiryama vanūtya varintiyu. Jiryama jachipiyasara mityiji jiryatidye vichasara samirya variy. Jüdenu, nityi jaryi vatara, jaryi samirya vichara jarye, ninij jita ravichasara jiryisa. <sup>12-13</sup>Jiryama muchuvay samirya nuñi jiryeyu; rimumuchuvay títaju Jüdenu siityarivay jirye.

<sup>14</sup>Samirya jiryecha Vuyntyityu Jesucristumu, Jüdenu vatadamuju jarye, jiryatij jiryentyeryaniy Suntumu títajuyu.

*Sayanuma  
Pávuru*